

PÉTERÙ
andí ɔyɔ rí kisé nǐ bhàrwà

Yàrí bhàrwà ò ì nòtù ádròdrò dhu tí dhu

Yàrí bhàrwà nandí ní Sìmonì PÉTERÙ, Yèsù KRÍSTÒ bhà kasutále ndirò kabhà uvitatále (1.1). Kándí ka azà kumì dòná imbò nà atɔ mà azà kumì dòná àrùgyètdí nà atɔ mà nà nzínzi ò Yèsù ka kùgù dhu-dzidò.

PÉTERÙ andí ndí ɔyɔ rí kisé pbìndà bhàrwà kóró pbàkrístò tò, ndínǐ abádhí ìrè tí yà fíyò ndì ndúdhe dhu (1.12).

Kàzè dhu ní abádhí rùgyè ì tìtò tó màlímó mà nà abádhí tó nzére mùtsɔ mà nà (2.1-22).

Bhàrwà-nyìtì ka kóhù tí dhu

- **Bhàrwà-dòkpa** (1.1-2).
- **Kàgàwà rǐ** ìndrù ùnzi dhu mà ì ale àkǎ ò'ò a'uta ò dhu mà nà dhu (1.3-15).
- **Kàgàwà bhà ɔte** rò dhu àkǎ kapbǎ ale-afí dhu (1.16-21).
- **Ìnzá dhu àkǎ kirì** tìtò tó màlímó rùdhena dhu dhu (2.1-22).
- **Ìngo Ádrù** ìngbǎle Yèsù níngoya dhu (3.1-18).

PÉTERÙ rǐ ìndrù nóvì dhu

¹ **Yàrí** bhàrwà nandí fùkù ní ìma Sìmìyonì PÉTERÙ. Ìma ní Yèsù KRÍSTÒ bhà kasutále, ndirò ìma ní kabhà uvitatále. Nyǐ nyá'ù Yèsù KRÍSTÒ àdhàdhì mà má'ù ka átò dhu bhèyi. Ndí a'uta rǐ ì ábhò ìdzìnga nyú nà fùkù, àdhàdhì kà rǐ ì ábhò ìdzìnga nà fǎkà átò dhu bhèyi. Yèsù KRÍSTÒ ábhù àlè rǐ ì ndí a'uta nà, obhónángatále tí ndí ndí ì dhu-okú dò rò. Àbadhi ní Kàgàwà ndirò ka ní àlè

tó ògùba. ² Ní, Kàgàwà àkǎ ndàso nyí ndàdù nyàbhu nyòkò màrùngà ǎ atdíǎ, ndì mà, àlě tó Ádrùngbǎle Yèsù Krístò mànà nyí nyúni atdíǎ dhu-otù ǎ.

Kàgàwà rǎ ìndrù ùnzi dhu mà a'uta ǎ dhu àkǎ kò'ò dhu mànà dhu

(Yùw 17.2-3; 2Tì 3.16; Tit 2.11-14; Fil 1.9-11; 3.8-14; Èbr 6.11-12; 1PÉ 1.10-12)

³ Kàgàwà tó p̀b̀indà ádrùngbǎnga tó ɔbi nǎ, Ádrùngbǎle Yèsù íbhò kóró dhu-tsí yà àlě kí atdyúya òho àlě tò, ndíní àlě koko tí Kàgàwà-rò àlě kàpbǎ àlě-afí rórò. Obhó tí, kǎbhu àlě'i àlě r̀ǹni ndì Kàgàwà, yà àlě nunzi ndíní àlě kabá tí p̀b̀indà ádrùngbǎnga tó awáwù mà p̀b̀indà ídzìnga mànà ale. ⁴ Ndì dhu bhěyi ní ndì, Kàgàwà íbhò yà ndì ndakò f̀ndá làkǎ ɔr̀ú odziya nà ádròdrò dhu àlě tò. Ndì làkǎ nyí nyábà nídhuní, nyí nyí'ì inè nyòtsè yà adzi ǎ nzére dhu-atdyú òho nyí nyí dhu-tsù rò, nyǎdù yà Kàgàwà bhà ale tí rí nyítè ófò nódyì. ⁵ Ní ndì dhu-okú dò rò, nyí nyàkǎ nyònzì ɔbi nyisè f̀ukú a'uta dǎ dhu ní ídzìnga t'ónzita. Ídzìnga t'ónzita dǎ, nyí nyàkǎ nyisè dhu ní Kàgàwà ùnǎ nyí nyí mběyi nyú dhu. ⁶ Kàgàwà ùnǎ nyí nyí mběyi nyú dhu dǎ, nyí nyàkǎ nyisè dhu ní ìnzì nyí nyí nyítsù akye atdí dhu ò dhu. Ìnzì nyí nyí nyítsù akye atdí dhu ò dhu dǎ, nyí nyàkǎ nyisè dhu ní dhu-dzi t'óndùta. Dhu-dzi t'óndùta dǎ nyí nyàkǎ nyisè ní Kàgàwà ózè dhu ònzì nyí nyí dhu. ⁷ Kàgàwà ózè dhu ònzì nyí nyí dhu dǎ nyí nyàkǎ nyisè dhu ní atdí ̀ba bhà ale bhěyi nyí nyí nyòzè dhu. Ndirò, atdí ̀ba bhà ale bhěyi nyí nyí nyòzè dhu dǎ, nyí nyàkǎ nyisè dhu ní kóró ale òzè nyí nyí dhu. ⁸ Obhó tí, nyí nyapé ì'ì kòrí mùtsò nà abho nyú, ní nyí nyònzina kasù rǎdù ábhò itse nyú nódhì, nyǎdù àmbé àlě tó

Ádrùngbàle Yèsù Krístò nùni dǒ mběyi nyú. ⁹ Pbétù, ìmbǎ aríì kǒkò mùtsò-tidò nà ale ní ndùmùndúmú, yà ìnzǐ rádù inga àla ale. Ndi ale ònǎ rǒ, iwà ndi ndú'o ndi ndilǎ yà angyi i'ì pbìndà nzéřnga ǒ rò dhu nádzo wà. ¹⁰ Ní ndi dhu-okú dò rò àbanǐnzó, àdhàdhì yà Kàgàwà óvò nyǐ, ndàdù nyǔnzì dhu bhěyi, nyǐ nyākǎ nyǒnzì ɔbi atdíǒ ndíñ nyǐ nyoko tí àkǎkǎ ale tí wò ndi otu ǒ. Nyǐ nyapé kǒrǐ dhu ònzì, ní nyǐ nyí nzǐ àdù nyǎwà akεkpá màtí nzéř dhu ò. ¹¹ Obhó tí, ndi dhu bhěyi nyǐ nyònzì dhu rò ní ndi nyǐ nyádù rusà àbà atdíǒ, nyòtsu nǐ àlě tó Ádrùngbàle, ògùba Yèsù Krístò bhà dhòdhódhóngá tó Idzi ò.

¹² Wò dhu-okú dò rò ní ndi, ma mádi mongò àmbe i dhu isè dǒ fùkù bìlǐnganà, iwà màtí nyǐ nyúni i dhu, nyádù iko pòtsó yà nyǐ nyábà obhóngá ǒ rórò. ¹³ Ní, ma màla dhu mběyi nyú marà fùkú irèta nángbe rǒ, misè i dhu fùkù yà àdi ma màdi nyìkpódu nà ònǎ kàsùmì ǒ. ¹⁴ Obhó tí, ma mùni wà dhu, ma móvè ònǎ idho rindù wà ndi, àdhàdhì àlě tó Ádrùngbàle Yèsù Krístò ítè ka kpangba idù dhu bhěyi. ¹⁵ Ní, ma mí ɔbi ònzì atdíǒ mìtè nyǐ nyóngo i dhu irè bìlǐnganà iwà ma móvè rórò màtí ònǎ otu fùkù.

Kàgàwà bhà Ɔte rǒ dhu àkǎ kapbǎ ale-afí dhu

¹⁶ Obhó tí, yà mǎ móvò àlě tó Ádrùngbàle Yèsù Krístò ìraya ádrùngbǎnga tó ɔbi nà dhu tó màkǔrù fùkù rò, mǎ móvò nzá ka yà ìndrǐ ìtsǒ tìtò tó imbe ǒ. Pbétù, mǎ màla wà kàbhà ádrùngbǎnga tó ɔbi nyìkpóka nyú nǐ. ¹⁷ Obhó tí, kǎbà ifuta mà, ádrùngbǎnga tó awáwù mànà Àbanà Kàgàwà-fó, yà ndi ádrùngbǎnga tó ɔbi nà aríì Kàgàwà-tù nírì ndi nínganí. Ndi ale-tù ati: «Yàrí ní Idhùdu,

atdídǒ ma mózè ale. Kǎrí nyìkpódu nòfǒ dhu ònzi*.»
 18 Mǎ'í nyú mǎ-tírò, mǎ miri wòrí ale-tù òrù-akpà ò rò rírà ró, yà atdíkpá mǎ mi'í kà mànà ìlǐlǎ pbirì dǒ rò.

19 Ndirò, mǎ má'ù wà yà pbànábí nùnyà angyangyi ɔte atdídǒ. Ní nyí, nyí nyónzì dhu mběyi nyǎpbǎ afíkù ndi ɔte rǒ. Wò ndi abádhí avò dhu rǐ'í àdhàdhì tarà bhěyi, yà ìnò ǒ rádù inga àwù, ràrà àhù inga rùbho dhu ò, rádù àrà àhù kútsingá nga tó alalí† rǐ afíkù-ònga àtdye òná kàsùmì ò. 20 Nyí nyákǎ nyùni angyi kóró dhu tò dhu ní, pbànábí avò ìndrù tò angyangyi ìlǐlǎ Andítá ò rǐ'í dhu, ní abádhí ravò nzá ràhù dòya ò rò ìtírò. 21 Obhó tí, ì pbànábí avò ìndrù tò dhu náahù nzá ìndrù ò rò. Pbétù, Kàgàwà bhà ìlǐlǎ Alafí ní ndi abádhí àbhù ongónà ròvò Kàgàwà ìtè fíyò dhu ìndrù tò.

2

*Inzá dhu àkǎ kírì tìtò tó màlímó rǔdhena dhu dhu
 (Kas 20.29-30; 2Tì 3.1-9; Yud 3-16; Upf 2.14,15)*

1 Angyí, tìtò tó pbànábí nùnyà ì Pbàisràyélí nzínzi ǒ. Ní ndi dhu bhěyi tí, tìtò tó màlímó nùnyàya ì ùnyà nzínzikù ǒ átò. † ale nítsuya tìtò tó nzéɛ dhu t'údheta-tidò nà nzínzikù ǒ ìnzá nyí nyùni rórò, 'àdù yà ì nùwù Ádrùngbǎɛ Yèsù nyú mà nódhò. Ndi dhu bhěyi ní ndi, abádhí nídhaya Kàgàwà rǐ tsěya ɔtdì kòmbómbí dhu ìtírò dòya. 2 Ábhǒ ale nùnguya abádhí-owù fíyó nzéɛ mùtso ǒ. Ndirò abádhí-okú dò rò, ka kowuya dhu ùnò rǒ nzéɛ Kàgàwà bhà obhóná otu nǐ. 3 Ndirò, atdídǒ ì í ongyéngá-atdyú nóho 'àbà dhu-okú dò rò, abádhí nóowuya nyùtra rǒ ìtsǒ ì ìtsǒ tìtò tó ɔte nǐ. Pbétù ròpè

* 1:17 1.17 Ìsa 42.1; Mát 17.5; Mrk 9.7; Luk 9.35 † 1:19 1.19 ɔzt 24.17; Luk 1.78; Upf 2.18; 22.16

ndì mùhàngú ò rò, Kàgàwà rǐ abádhí-ànyǎ ìtdì, ndàdù abádhí-tse òtdì òná idho rǐ ì ìkyèrǒ.

⁴ Obhó tí, Kàgàwà náabà nzá izu kǎkà nzéřnga nanzì màlàyíká dǒ màtí*. Pbétù, kǎwà abádhí ìnzǐ aráve dhòdhódhóngà nà kàzu ò. Kǎrì abádhí òdò atdídǒ ùtì mbìì ìnǒ-yà-ba ǒ, iwà ka kusó àdrà-mbǐ dǒ rórò, ròngò àmbe ànyǎya ìtdì ndì ndaraya òná idho òdò dǒ.

⁵ Kàgàwà náabà nzá izu yà angyinǎ rò nzéřnga nanzì yà adzì ǒ ale dǒ màtí átò. Pbétù, yà ndì ndàbhu idha ròtù, ràwìlǐ nzéře ale tó yàrì adzì òná kàsùmì ǒ, kǎdò Nùwà mà ngbò àrùbhù ngǔkpà ale mànà. Ndi Nùwà nǐ ì yà obhónánga tó Ídzì Mǎkǔrù nùnónà ale*. ⁶ Ndirò Kàgàwà náatdì Sòdòmò mà Gòmòrà nà tó kigò ǒ ale-ànyǎ, ndòtdì tséya kàzu nǐ*. Kǎnzì ndì dhu ndínǐ ì ì tí atdí ǒfò tí kóró ale yà adzì ǒ arí nzéřnga ònzì tò.

⁷ Pbétù kǐgú obhónángatále, Lotì, yà atdídǒ akó kǒkò nzéře ale tó nzéře mùtsò-okú dò rò ale. ⁸ Obhó tí, wò ndì obhónángatále nóongónà àdì ì nzéře ale nzínzì ǒ, ndàmbe abádhí rǒnzina nzéře dhu àndà dǒ, ndàdù àmbe abádhí rǔnǒna nzéře dhu ìrì dǒ bilínganà. Ní ndì dhu ongónà àdù kà-afí ìnza atdídǒ. ⁹ Ní wò dhu rǐtèna dhu ní, Ádrùngbǎle Kàgàwà rǎrǐ ì ìnè ndìgǔ yà ndì ndòzè dhu ònzì arí ale umvútá ǒ rò. Pbétù, kà rǐ ì ìnè ndòdò nzéře dhu ònzì arí ale, ndínǐ ndì ndabhùya tí rǎbà àpè yà adzì ǒ ale-ànyǎ ìtdì ndì ndí òná idho ǒ. ¹⁰ Ndirò, kǐtdìya ànyǎya atdídǒ ròsè ale ní kǎkà ngbǒya rǐ atdyúya òho nzéře dhu ǒ tí aróko, 'àdù àmbe Kàgàwà bhà ádrùngbǎnga gàyà ònzì dǒ ale.

Kǒkò ì tìtò tó màlímó ní 'ìdzǐ arí ìtírò ale, 'òyò arí ale, ndirò ìnzǐ arí òdò ònzì ádrùngbǎnga tó awáwù

* 2:4 2.4 òpt 6.1-2; Yud 6 * 2:5 2.5 òpt 6.1-7.24 * 2:6 2.6 òpt 19.24-29

nà arí'ì òrù-akpà ǒ ípìrǒngà nà dhu-tsí nǐ ì í dhu ùnò nzére rò ale. ¹¹ Yà abádhí nyú núdà ǒbì nǐ, 'àdù ì'ì ádrùngbǎngà tó ǒbì nà màlàyíkà mà náarí nzǐ abádhí òbhù, 'àmbé dhu ùnò dǒ nǐ nzére Ádrùngbǎle-ònzǐ. ¹² Ì tìtò tó màlímó arí dhu ònzì àdhàdhì írì ǒ ìzǎ arí dhu ònzì ìmbǎ írètá na dhu bhěyi, 'àmbé dhu ùnò dǒ ìnzá ì ùnì dhu nǐ màtí. Írì ǒ ìzǎ núpě ka karí ràtsi àzèmbè ì álǎna àdà ò, kadù òkyèna. Ní ndì dhu bhěyi tí, ì tìtò tó màlímó-tse nótǒdíya ndì tsèkè fíyó nzérenga nyú-okú dò rò ì írì ǒ ìzǎ bhěyi. ¹³ Kàgàwà abhùya abádhí ràbà àpè àdhàdhì abádhí arí ngǔkpà ale àbhù ràbà àpè foyá dhu bhěyi. Abádhí-ìdhè náarí ndìkǎ ìkǎ tí yà ngbóya ònǎ rò ì í atdyúna òho nzére dhu ònzì ì í adyi-panga rò. Mùhèndù ǒ nyí nyí'ì atdìkpá abádhí mànà rò, abádhí-ìdhè arí ndìkǎ ìkǎ tí nyǔtrǎ ì í rò. Ní mùhèndù ǒ abádhí rǐ'ì dhu náarádù ìnze ìnzé tí rùkú, ndì dhu ràdù nyìku àbhù rìwù. ¹⁴ Abádhí-nyìkpó arónena ale ní mùnyònì ònzì ì í nà vèbhále kèlě, ndìrò abádhí náarí nzǐ 'ìngyě nzérenga t'ònzita nǐ. Abádhí náarí kǎkǎ ivívì a'uta nà ale nídha ròtsù nzérenga t'ònzita ò. Abádhí ábhù ongyéngá òne ì í dhu ràtdù afíya atdídǒ. Ì ale ní iwà Kàgàwà òfù ale! ¹⁵ Abádhí úbhà obhónga tó otu, 'àdù òwu igi Balamà, Bèorì* t'ídhùnà núubhì ònǎ otu ǒ. Ndí Balamà azè dhu ní ndòngyè malì nzére dhu ònzì ndì ndí dhu-otù ǒ. ¹⁶ Ní Kàgàwà arù kà dǒ ndì kàbhà nzérenga-okú dò rò: kàbhù kayinò, yà ìnzǐ aróte ìzǎ nyú ròtè ìndrù bhěyi kà tò, rìsǒ wò kà ràpàna ndònzì ìnzá nga nòfò dhu.

¹⁷ Kǒkò ì tìtò tó màlímó rǐ'ì àdhàdhì yà ìmbǎ ìdha arí'ì òya ìdha-bhu bhěyi. Abádhí rǐ'ì àdhàdhì yà àpùpù ròpilina àpù bhěyi. Kàgàwà ǒbhòlò wà ngari abádhí tò atdídǒ útì mbìi ìnò ò. ¹⁸ Abádhí arí 'ìdzì 'àmbé ìmbǎ

* 2:15 2:15 ǒzt 22.4-35

tšya nà ɔTE òvò dš ìndrũ tò ɔRÚ tšya nyÚ nà. Ndi dhu bhěyi ní ndi, abádhí arí yà iwà ì nútù nzÉRE dhu ònzi arí ale rš rš ale nídha tšya ò, ndínĩ ì nadù tí tdítđš 'àmbe yà ngbšya rš atdyúya òho nzÉRE dhu ònzi dš. ¹⁹ Abádhí arí làká òkò ngũkpà ale tò 'àti, i ale rārōko dšyá ìtírò, tàrànyà pbání ì nyÚ ìtírò ní ìndrũ àbhũ arí rìnza ì dhu tó ìno rórò. Obhó tí, atdí dhu náapé ìndrũ àgye, ní ndi ale ní wò ndi ndi nágyè dhu bhà ìno. ²⁰ Obhó tí, atdídhená ale núbhà wà yà adzi š nzÉRE dhu t'ónzita, Yēsù Krístò ì únì fšyó Ádrùngbǎle tí ndirò ògùba tí dhu-otù š. Pbétù, abádhí apé 'adũ ì nzÉRE dhu ò tdítđš, ì dhu ràdù 'àgyè, ní abádhí tó ófò ràdù ì ì nzÉRE nyÚ ròsè angyi abádhí arí ì nà ófò dònǎ. ²¹ Abádhí únì wà obhónánga tó otu, pbétù abádhí ádù yà fšyò ka kavò Kàgàwà bhà ìlǐlǎ Ÿyátá núbhà ìnzǐ 'ifù. Ní ndi dhu bhěyi kš'ina rò, dhu akána ìnzǐ abádhí rùnì ndi obhónánga tó otu. ²² Wò ndi abádhí tó ófò náko wà ndi kǎkà mbàyi š ka kòvò dhu nà kpangba. † mbàyi ràtina: «Ìtsè nádu wà ndi, ndònyù yà ndi ndàdyo ònà rò dhu tdítđš*.» Ndirò: «†wà ndi nù'o mběyi àdù-íyà-ba nángbš wà ndi tdítđš, ndàmbe ndàhà dš ɔtdo š.»

3

Ìngo Ádrùngbǎle Yēsù níngoya dhu

(Ìsa 51.6; 65.17; Màt 24.37-38; Luk 21.34-36; 1TÈ 5.1-10; 2TÈ 1.7-10; Yud 17-19; Upf 20.11; 21.1)

¹ Yà atdíđš ma mózè nyš rò ɔdhídũ, yàrí ní ɔyo rí kšě bhàruwà yà ma màndĩ fškù. Kškò ɔyo ma màndĩ fškù bhàruwà š, ma mózè misè fškù dhu ní iwà nyš nyúnì dhu, ndínĩ nyš nabhù tí nyšrè ì dhu tdítđš àkǎkǎ

* 2:22 2.22 Mbà 26.11

dhu bhěyi. ² Ma mòzè nyřè yà angyangyi ìlǐlǎ pbànábí núnno ote mà, Ádrùngbǎle, ðgùba Yěsù Krístò bhà Uyátá, yà kàbhà uvitatále nùudhè fùkù màna. ³ Ròsè kóró dhu dònǎ, nyǐ nyàkǎ nyǔni dhu ní, kàrí idho, yà yà adzi ǒ dhu-tsù rǐ ndàpà ndòdì ndì òyá ǒ rǐ'ì ale rǎrǐ afiya òzè dhu bhěyi tí ì nózè 'òkò ale. Abádhí nówuna nyǔgbò rǒ, ⁴ 'àmbe àtìna dǒ: «Yěsù akò làkà ndàti, ingo ndì rǎrǐ ingo! Ní kòmbí kà rǐ'ì ngboró? Obhó tí, ròpè ndì yà àlě t'ábhúna núnvèna rò*, kóró dhu náarí'ì inè àdhàdhì yà Kàgàwà abhòlòna yà adzi rò ì ì'ì dhu bhěyi tí!» ⁵ Wò dhu ùno ì í rò, abádhí ònǎ rò arana àdzo rǒ dhu ní: mùhàngú ò rò, Kàgàwà rabhòlò òrù-akpà mà yà adzi màna òtèna nǐ, ndirò kà rabhòlò yà adzi ràhu idha ò rò, ndàdù adzi-kpa mà-ònga núnndò idha màna. ⁶ Ndirò ndì ote-òbì nǐ tí, yà angyi ì'ì adzi nínza ní òtòtù, rùpìlǐ ndì idha*. ⁷ Ní, wò ndì ote-òbì nǐ tí, Kàgàwà úlì wà yà kòmbí rǐ'ì òrù-akpà mà adzi màna tsèna tí, ndínǐ ndì ndubìya tí kàzu ò. Kǎrí abádhí òdò wò ndì ìndrù-ànyǎ ndì ndunoya, ndàdù nzérenyatále-tse òtdì òná idho tò. ⁸ Pbétù, yà atdíđò ma mòzè nyǐ rò òdhídù, atdí dhu rǐ'ì inè yà ìnzá àkǎ ndàdzo ùkunǎ rò. Ndi dhu ní: Ádrùngbǎle Kàgàwà-nyìkpó ǒ, atdí idho rǐ'ì àdhàdhì atdí lufù atò bhěyi, ndirò atdí lufù atò rǐ'ì àdhàdhì atdí idho bhěyi*. ⁹ Ádrùngbǎle nádzo nzá yà ndì ndakò pbìndà làkà nábhù ndì ndí rǎkǎ dhu rǒ rò, àdhàdhì yà atdídhená ale náarí'èna dhu bhěyi. Obhó tí, kǎrí dzikù òndù, ìnzá ndì ndòzè atdí ale mà ràwǐ, pbétù ndì ndòzè kóró ale rùgèrè ì 'ùbhà fǐyó nzérenya nídhunǐ.

* 3:4 3.4 Ábhǒ ale rǐ'èna dhu ní, «Àlě t'ábhúna» tí ka kátina ìrò ale rǎrǐ kǎkà wemberè tí Yěsù Krístò na'u ale. * 3:6

3.6 ǒpt 1.6-9; 7.11-23

* 3:8 3.8 Zàb 90.4

¹⁰ Ádrùngbǎle bhà idho níisíya àdhàdhì ogbotále rǎra òná idho náarí isí inzà ka kùni rórò dhu bhěyi. Ndi nínganí, òrù-akpà náawíya giritína rǔva rórò. Ndirò, yà Kàgàwà abhòlò kóró dhu-tsí, yà inga àwù arí òrù-akpà-nyì-rǒ dhu-tsí, níidhoya ì kóró kàzù-fó. Yà adzi, òná arí kóró dhu-tsí mànà núuwíya kóró átò. ¹¹ Nírò, wò dhu bhěyi kóró dhu níinzaya ì rò, nyí nyàkǎ nyòkò ìlǎ ófò ǒ Kàgàwà-nyìkpó ǒ, nyàdù afíkù àpba kòzè dhu ònzi nyí nyí dhu rǒ. ¹² Nyí nyàkǎ nyòkò ndi dhu bhěyi yà Kàgàwà bhà idho òdo nyí nyí atdyúkù nyú nà rǎkǎ tsàkàtsàkà òná kàsùmì ǒ. Ndi idho ǒ, Kàgàwà ùbìya òrù-akpà kàzù nǐ, yà òrù-akpà-nyì rǒ arí inga àwù dhu ràdù 'idhò ndi kàzù bhà igbétá nǐ. ¹³ Àdhàdhì yà Kàgàwà akò làkǎ-bvù rǒ, àlě kòdona dhu ní òrù-akpà-òwútá mà, adzi-òwútá mànà rǔvò dhu. Ndi òrù-akpà-òwútá mà adzi-òwútá mànà ǒ róko alé rǒngo ònzìnà dhu ní obhónánga tó dhu kèlě.

¹⁴ Yà atdíđǒ ma mózè nyí rò odhídù, wò ndi idho òdo nyí nyí ònanǎ, nyí nyàkǎ nyòkò màrùngà ǒ Kàgàwà nà. Nyí nyàkǎ nyònzì obi nyòkò ìlǎ nyí nyílǎ kà-nyìkpó ǒ rórò, ndirò ìmbǎ nzére dhu tí ka kádù òzùnà atdí dhu mà rǐ nyúkùtsì rórò. ¹⁵ Nyí nyàkǎ nyùnì dhu ní, yà àlě tó Ádrùngbǎle rǎdi ìnzǐ ndàmbe ingo dǒ dhu rǎrǐ ndi otu nùbhà fùkù ndínǐ nyí nyugù tí. Ndi dhu rǐ àdhàdhì yà àlě t'ádòná ndirò àlě t'òdhìnà Pòlò ándí fùkù yà Kàgàwà ábhù fǐndà dhu-ònga t'òvòta tó irèta-bvù rǒ dhu bhěyi. ¹⁶ Kóró p̀b̀indà bhàrùwà ùndí ndi ndí rò, kǎrì òte ì dhu dǒ. P̀b̀étù ì bhàrùwà ò, ngùkpà dhu rǐ alé-dò àlě dhu náarí ì obi tí. Ní kǎkà inzà nga núni, ndirò ìnzǐ 'àdù ò'ò afíya ònǎ rò alé, náarádù ì dhu-tì ùlè ávaya dò, àdhàdhì ì arí ìlǎ Andítá ò ngùkpà dhu-tì ùlě dhu bhěyi.

Wò dhu bhěyi ì í dhu ònzi rò, abádhí arí ìnză ìtírò.

¹⁷ Nírò nyí, yà atdíđǒ ma mózè nyí rò ɔdhídú, kòńń ma mòvò wà dhu angyangyi fùkù. Ní nyí nyàkă nyǒđđò nyí mběyi, akyε nyí nyowuna kǒkò nzÉÉ ale tó nzÉÉngá àbhɯ rùwí nyí, ìnzí nyăđù ìko pótsó fùkú a'uta ǒ nń.

¹⁸ Pbéťù nyí nyàkă nyămbé ɔ'ò dǒ ídzìngá ǒ, ndírò àlě tó Ádrùngbălé, ðgùba Yěsù Krístò ùńń nyí nyí mběyi nyú dhu mànà dhu ǒ. Ilèta àkă àlě ràbhɯ kà tò ròpè ndí kòmbí, ndírò dhòdhóhonganà! Àmìnà.

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12